

INUIT ATAQATIGIIT

INATSISARTUNI



UPA 2014/154.1

29. april 2014

KVK

Naalakkersuinikkut arlaannaannulluunniit attuumassuteqanngitsunik si-unnersuisoqatigiinnik pilersitsisinnaaneq pillugu UKA2014-imut nassui-aasioqqullugit Naalakkersuisut peqquneqarnissaannik Inatsisartut aala-jangiiffigisassaattut siunnersuut. Siunnersuisoqatigiit aatsitassarsior-nermi aningaasaliisartut sanngisuussusiat aningaasaliisussarsiornermul-lu pilersaarutaat pillugit inassuteqaasiortassapput, pilersaarutit aalaja-ngersimasut sanngisuussusiat pillugu paassisutissiisassallutik kiisalu aatsitassarsiornermi pilersaarutit ataasiakkaat siunissaq ungasinneru-soq eqqarsaatigalugu piujuartitsineq tunngavigalugu inuiaqatigiinni ine-riartitsinermik nassataqarnissaat siuarsaaqataaffigissallugu. Taman-na pillugu siunnersuisoqatigiit Naalakkersuisunut innuttaasunullu inas-suteqaasiortassapput. Siunnersuisoqatigiit katitigaanerat, akissarsiaat pisinnaatitaanerilu pillugit ilutsit periarfissaasinnaasut nassuaammi ilanngullugit nalilersorneqassapput.

(Inatsisartunut ilaasortat Naaja H. Nathanielsen aamma Sara Olsvig, Inuit Ataqatigiit)

Naaja Nathanielsen-ip Sara Olsvig-illu siunnersuutaat manna Inuit Ataqatigiinni naliliisinnaanerput naapertorlugu ullumikkut nunatsinni aatsitassarsiorniarnerup killifianut naapertuulluarpoq, akuerineqarlungi piviusunngortinnejassappat tamanna nunatsinni innuttaaqatigiilluuta aatsitassarsiornermut isummersornitsinni ataatsimoornerulerlatalu patajaannerusumik ingerlatsinermut aqqutissiueqataasinnaavoq. Tassami ukiuni makkunani pilersaaruterpassuit annertoorsuarmillu sunniuteqartussanik suliniutit eqqartorneqarneranni inuiaqatigiittut ataatsimoorfissaqarnerunissatsinnik assut pisariaqartitsivugut. Apeqqutit nalornissuterpas-suillu qaffakaanerat eqqumiigisassaanngilaq aamma sorpassuartigut akornatsinni ernumasoqarnera isertuunneqarsinnaanngilaq.

Annertuumik nalornissuteqarnerup naalakkersuinikkullu akerleriinnerup kinguneranik nunatsinniinnaangitsoq aammali nunani allani nunatsinnut aningaasaleerussussinaasut akornanni nalornisoqarpoq, aatsitassarsiornermut tamatsinnit aallarnisarneqarusuttup kinguarsarneqarneranik kinguneqartumik. Tamanna pivoq nunsuarmi aatsitassat akiisa appariartornerisa nalaani aammalu aningaasaleerussussutsip annikinnerata nalaani.

Matumanili siunnersuummi pingarnerpaasoq tassaavoq aatsitassarsiorniarnermi nunatsinni innuttaasugut akornatsinni toqqisisimanagerusumik isummersornissat-sinnut tunngavissarissaarnissarput, tamannalu anguniarlugu siunnersuisoqati-giinnik arlaannaannulluunniit attumaasuteqanngitsunik pilersitsineq iluaqutaasin-naalluartutut isigaarput.

Naalakkersuisut siunnersuummut akissuteqaataat Inuit Ataqatigiinniit assut ajuu-saarnartuutipparput. Isumaqpugut siunnersuut paatsoorneqarlunilu ingasattu-mik isumalersorneqarsimasoq, ilaatigullu siunnersuuteqartut siunertarinngisaan-nik isumalersorneqarlutik.

Naalakkersuisut ilaatigut aarleqqutiginerarpaat siunnersuisoqatigiit taamaattut Naalakkersuisunut naleqqiullutik pissanneqarpallaalissasut aammalu inassute-qaatigiuiimgaat pinngitsooratik Naalakkersuisunit naalanneqartarnissaannik aa-lajangersaasoqassasoq. Tassunga tunngatillugu eqqaasitsissutigiinnassavara nu-natsinni siunnersuisoqatigiinnik kiffaanngissuseqarlutik siunnersuisartut sulisit-tarnerannik misilittagaqrularatta. Assersuutitut taasinnaavakka Nunatta Aningaasaqarnera pillugu siunnersuisoqatigiit, Imigassaq ikiaroornartorlu pillugit siunnersuisoqatigiit aammalu Inuit Pisinnaatitaaffii pillugit siunnersuisoqatigiit – taakku tamarmik pisortatigoortumik pilersitaapput, kiffaanngissuseqarlutik siun-nersuisussaatitaapput kisiannili Inatsisartut Naalakkersisulluunniit pisussaati-taanngillat siunnersuisoqatigiit isummersuutaat naalassallugit imaluunniit taak-kuinnaat naapertorlugit sulissallutik.

Aamma Naalakkersuisut isumaqpargerarput siunnersuisoqatigiit arlaannaannul- luunniit pituttorsimanngitsut peqquserluttoqarsinnaaneranut aqqutissiueqataas-sasut oqaatsillu allat kusanarpiangitsut atorlugit siunnersuutigineqartoq eqqar-torneqarluni. Naatsumik oqaatigalugu taamatut pasitsassaarineq ingasappoq.

Nunani aatsitassarsiornikkut ingerlatsiviulluartuni taamatut aaqqissuuusineq ator-neqarlupoq – nunani taakkunani maani Naalakkersuisutta aarleqqutigisaat ajornartorsiutigineqanngillat, taava sooq nunatsinni nunatsinnut naleqquttumik aaqqissuuussilluta inuiaqatigiit soqtigisaasa illersorneqarnissaat qulakeerniarsin-naassanngilarput?

Uagut isumaqpugut siunnersuut eqqartugarpot piviusunngortinneqaraluarpot aatsitassarsiorneq pillugu nunatsinni isummersorneq pitsaanerusunik tunngavis-saqarluni ingerlanneqarsinnaalissagaluartoq, nunatsinni suliniutinut aningaasa-leerusuttut nalornissutaat annikinnerulissagaluartut kiisalu inuiaqatigiinni isum-mersorneq aaqqissuuussaanerusumik ataatsimoorfiunerusumillu ingerlanneqarsin-naalissagaluartoq. Taamaattumik Inuit Ataqatigiinni neriuutigaarput siunnersuut manna tamanit tapersorsorluarneqassasoq isumannaatsumik ingerlatsinissamut tunngavissat ilaattut isigineqarluni.

Siunnersuut manna ataatsimiitaliami suliarineqassasoq kissaatigaarput.